

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1077759 24 St
Sarajevo, 26.04.2024. godine**

Općinski sud u Sarajevu, stečajni sudija Ivana Krželj, rješavajući po prijedlogu za otvaranje stečajnog postupka nad privrednim društvom „BELMAX“ Društvo sa ograničenom odgovornošću za proizvodnju, trgovinu i usluge Sarajevo ulica Plantaže broj 35., Sarajevo, Ilidža, odlučujući o prijedlogu za produženje roka, van ročišta dana 26.04.2024. godine, donio je sljedeće:

R J E Š E N J E

Odbija se prijedlog za produženje roka.

Prijedlog za otvaranje stečajnog postupka se smatra povučenim.

O b r a z l o ž e n j e

Rješenjem od 21.01.2024. godine pozvan je predlagatelj da u roku od osam dana od prijema rješenja uredi prijedlog na način da dostavi finansijske izvještaje u skladu sa računovodstvenim standardima ne stariji od 90 dana od dana podnošenja prijedloga za otvaranje stečajnog postupka, uz upozorenje o posljedicama nepostupanja po rješenju suda.

Dana 02.04.2024. godine zaprimljen je podnesak kojim se traži produženje roka za dostavu finansijskih izvještaja.

Stečajni postupak je hitan, kako je to određeno članom 15. stav 1. Zakona o stečaju, te rok od 8 dana je zakonski rok, koji sud ne može produžavati, pa je stoga sud odbio prijedlog predlagatelja za produženje roka, pri tom imajući u vidu da predlagatelj ne navodi niti jedan razlog zbog kojih nije mogao postupiti po nalogu suda. Slijedom navedenog sud je primjenom člana 323. stav 1. Zakona o parničnom postupku, a u vezi sa članom 17. Zakona o stečaju, odbio prijedlog za produženje roka.

Kako predlagatelj nije postupio po nalogu suda, u zakonskom roku od 8, te nije dostavio traženu dokumentaciju, to je sud primjenom člana 58. Zakona o stečaju donio odluku kao u dispozitivu.

**Stečajni sudija
Ivana Krželj**

Pouka o pravnom lijeku:

Protiv ovog rješenja nije dozvoljena posebna žalba. (član 23. Zakona o stečaju)